



21608

III

mag. St. Dr.

P

kat.komp.

Reyzner Alexandri: Olio pullato symmate involu-
ta ad peratam usnam D. Jacobi Lelen'ski.

PANEG. et VITAE

Polon. Fol.

Æ 1757.

C L I O
Pullato fymate inuoluta

Ad Feralem Vrnam

Perillustis olim ac Magnifici Domini,

D. J A C O B I
Z E L E N S K I.
V I T E L L I N I

POCILLATORIS BRACLAVIENSIS.

Viri de Republicâ Polonâ meritissimi

D V M

In Kurozwęcensi Canoniorum Regul: Ord: S. AVGVSTINI,
Ecclesiâ tumularetur.

P E R

ALEXANDRVM REYZNER, in Almâ Vniuersitate Cracouien-
si, Sacræ Theologiæ Audit:

Posthumæ erga Mecœnatem Fauentissimum gratitudinis ergò

D E D V C T A.

Anno Æræ Christianæ M. DC. L. III. XI. Febr.

C R A C O V I Æ,
Apud LVCAM KVPISZ, S. R. M. Typographum.

Detur hoc illustrium viro-
rum posteritati; vt quo-
modo exsequijs à promi-
scuâ sepulturâ separan-
tur; ita in traditione su-
premorum, accipiant ha-
beantq; propriam me-
moriâ.

Tacitus, 16. Annal. Cap. 16.


21.608 III



ILLVSTRI AC MAGNIFICO DOMINO,
D. J A C O B O
A B R Z E Ź I E
B R Z E S K I.
S. R. M. SECRETARIO.

GENEROSO AC MAGNIFICO DOMINO,
D. G E O R G I O
Z E L E N S K I.
V I T E L L I N O.

Dominis & Patronis Amplissimis, S. & P.

 *Vc usq; Sarmatae infelices Diuinam prouocauimus ultionem; ut conscientibus Rempub: annorum aliquot calamitatibus, permultos eorum virorum, quibus illa maiorem se in modum solabatur; quos intuens omnium quas excepit acerbitatum memoriam deponebat; in Primatu Regni, Senatu, Castris, Equestriq; Ordine occasus addiderit. Tolluntur scilicet e gremio Patriae Ancilia ista & Palladia; quibus hac orbata, deteriora quidem omnino metuere, sed frustra sperare meliora debet. Si Brasida extincto Sparta collapsa est; si trucidato Epaminonda Thebae cladibus agitata; si sorti Alcibiadis, semper ex aequo respondit Athenarum.*

thenarum fortuna; quid optatum Sarmatiæ poterit affulgere, quæ tot Brasidas, Alcibiades, Epaminondas in paucorum annorum curriculo amisit? Ad quam lamentabilem publicæ orbitatis accessionem, hoc duntaxat restabat unum, ut Perillustis IACOBVS ZELENSKI ad Prytanæum eternitatis raperetur. Ad cuius tanquam Achil-
listumulum, Aquila Sarmatica suis cum pullis mediisfidiis lachry-
mas continere non potest; eiusq; oculi desiderant sublatum aucto-
rem istum suæ gloriæ, ac felicitatis incomparabilem. Quæ publi-
ca dolendi materies, meum insuper acerrimè præfodit pectus: cui
cum ab illo superstite, liberalissima benevolentia experiri argumen-
ta; tum præstò spirantem ex eo venerari admirariq; licuit maiesta-
tem virtutum incredibilem. Alios quidem ad excitandos Fautori-
bus suis colossos, statuas, pyramides, obeliscos, hæc lugubris commouit
gratitudo: me tamen ad literarium potius erigendum insligat mo-
numentum; quod supra illas infirmas gratæ pietatis tesseras, vitâ in
animis & oribus posterorum, donat ornatq; morientem. Quo ab-
sente, multorum ut corpora, ita diuinissimæ dotes mortis tyrannidem
subierunt.

Horatius
lib. 4. O.
de 9.

Vixere fortes ante Agamemnona,
Multi: sed omnes illachrymabiles
Vrgentur, ignotiq;, longâ
Nocte, carent quia vate sacro.

Dignus est profectò tam egregius Vir & Cuius, ad cuius nomen à
pulvere obliuionis vindicandum, iterum ad vitam rouocentur Ho-
meri & Marones; quorum non nisi calamo rectè Orbi proponi posset
imitandus: cum & mea tenuitas ingenij adeò tantæ impar videa-
tur prouinciæ; ut ex incredibili rerum ab eo præclare gestarum Oce-
ano, vix guttam possit ad celebrandum assumere. Proinde cum eam
exaudio Io: Barclaij vocem: Tentauerant etiam Musæ Sau-
romatas & Polonos, sed in ipso limine tenellulæ Virgines
sæcularibus niuib; inhorruerunt; non aliud de illâ sentire
ausim; nisi, quòd quantò permultis sub frigido nostro cælo facile Pœ-
tarum.

Satyrici
parte 1.

tarum principibus, minùs; tantò mihi isto cum oraculo magis conue-
 niat; à quo huiusmodi Musarum rationes, non inficior esse penitus a-
 lienas. Quod si non nihil à me hoc in studio studioq; tentatum est:
 id eam in partem à iudicio posteritatis accipi aueo; ut quidquid est,
 non ingenij, sed luxuriantis erga Mecenatem desideratissimum pie-
 tatis statuatur argumentum. Neq; verò in alijs manibus libentiùs
 conquiescere potuit ac debuit mea pie temeraria Clio MM: Domi-
 ni, quàm Vestris. Vbi enim quàm in Vestro sinu, sese benigniùs ha-
 bendam sperat Heroicarum illius virtutum buccinatrix? cuius ad-
 sydera discessus, Vobis merendi necessitatem reliquit acerrimam. Te
 quidem Illustr: ac Magn: Domine BRZESKI, superstes ille, ob exi-
 miam rerum quàm sago quàm togam gestarum amplitudinem, ob ardentis-
 simam in amplificando Superorum cultu, bonoq; Reipub: propagan-
 do pietatem, ob totius Familiæ Tuæ præclarissimæ, non modo auita,
 sed etiam parta proprijs Heroicis virtutibus ornamenta, adeò vene-
 ratus & amplexatus est; ut FILIAM suam iucundissimam, Heroi-
 dem lectissimam, citraq; controuersiam Domus ZELENIANÆ
 Pandoram, in vitæ societatem (utinam per Nestorea fata dissoluen-
 dam!) deuouerit. Tuam verò Genero: ac Magn: Domine ZE-
 LENSKI, ad altissima quæq; procreatam indolem, factorum suorum
 Paternorum, quæ ut sol meridiem Orbem Sarmaticum illustrarunt,
 ex asse heredem semper optauit relinquere: ne in Te nimirum Ro-
 manorum usus, à quibus Vitellinam gloriose trahis originem, virtu-
 tes parentum imitandi, exolesceret. Si quidem (ait Tullius) non
 modò in gloriâ rei militaris Paulum Scipio, aut Maximū
 Filius; sed etiam in deuotione vitæ, & in ipso genere mor-
 tis, imitatus est P. Decium Filius. Atq; inibi idcirco Effi-
 gies maiorum in primâ parte ædium poni solebant; ut eo-
 rum virtutes, posterì non solum legerent, sed etiam imita-
 rentur. Inde Corn: Tacitus patrio morem gerens instituto; post
 soceri Agricolæ decessum, hoc ipsum posteris illius vel maximè com-
 mendabat patrimonium: Præceperim, inquit, sic patris, sic

Valerius
 Max: in
 Memorab.

In Agrico-
 là cap. 46.

B

mariti

mariti memoriam venerari; vt omnia facta dictaq; eius reuoluant, famamq; ac figuram animi magis quam corporis complectantur. Ab hac Te igitur à Romanis oriundum Romanorum consuetudine, Genitor Tuus desideratissimus degenerare noluit: sed in Te animi sui honestamenta, ac Paternorum celebritatem facinorum, pleno iure transfusam concupiuit. Quo quid tandem, aut ille Tibi vouere, aut Tu ambire nobilius potes? Adest itaq; etsi horrida & inculta fortasse Cliomea; quæ Tibi Heroicæ Parentis vitæ epitomen, velut vltioris ætatis Tux sistit archetypum: debitumq; inculcabit vestigiis illius insistenti officium, quem velut Cynosuram suspiciendo, dubio procul ad aureum gloriæ immortalis vellus peruenies. Mihi porrò reliquum est MM: Domini, cum Superis immortalibus votis effusioribus licitari; vt mihi Vestram florentem, sospitem, ac diutissime incolumem vitam, obsequiorum meorum efficiant materiem: neq; amplius lugubres Musas Vestrum producere in conspectum; sed continuum prosperitatis incrementum Vobis persæpe gratulari patiantur.

Magnificarum DD. VV.

Cliens addictissimus,

ALEXANDER REYZNER.



C L I O.

HEi mihi! pullatam squalenti carmine Musam
Plāgere, fata iubent: quisnam superaddere lessum
Abnuat? ac Diuæ tristem sociare dolorem?
Cuius funestis vlulat concentibus æther;
Augustum Lechici lumen columenq; trionis
Inuidisse solo Superos, ac mordicus astris
Afferuisse virum, summā qui laude Polonam
Dotauit Volucrem, typus & pia norma Quiritum
Sauromatū fuerat, nulli virtute secundus.

Sed mihi tu memora dubio Latonia proles:
Quī tandem potuit gelidum ferijſſe Bootem
Vox longinqua Deæ? tanti quæ causa coëgit,
Tanti quove loco licuit miserescere casus?

Jam prope syderei feruebant brachia Canceri,
Cynthius incentat fidibus; sonat ergo futuri
Tessera Concilij: vitreum Phorcynidos amnem,
Seu Aganippæum dulci modulamine fontem
Mulcebant, seu quā Cyrrhæ lusere sub vmbra,
Haud mora profiliunt Heliconia Numina Musæ,
Parnassiq; iugis bipatientibus infederunt.
Cynthius interea roseo sic incipit ore:

Eia (mihi quoniam Diuūm pater atq; hominum Rex,
Imperitare dedit vobis, & pandere iussa)
Soluite iam Tempe Bæotica soluite Musæ.
Tempora nunc atris veniunt signanda lapillis,
Tempora quæ tremulis memoranda nepotibus olim.
Sex quinquaginta sexcentas milleq; brumas
A propriâ quondam censebat origine mundus;

Omnia cūm, iusti saluā modò classe Noachi,
Æqua superiecto consumeret vndiq; ponto
Syrtis, vt elueret lasciua piacula terris.
Imminet en totidem grauidus Climacterus annis
Post instauratum CHRISTI conamine mundum.
Quæ mala quas clades voluat, quis credere possit?
Necdum transactis lustrum complebitur annis,
Et iam Turcigenūm video manet horrida sceptrum
Pernicies, dudum quam præscia sydera spondent.
At nec Christicolis parcent mala fata, nec vlli
Dissimulare volet meritas Rhamnusia pœnas.
Horrida consurgent spectacula, quæ tamen atrâ
Nocte premunt Superi. Quare mea viscera Musæ,
Iuuerit in varias celeri pede protinus oras
Maturare viam, venturos cernere casus;
Ex his æternos animisq; inscribere fastos,
Quos tandem feri valeant audire nepotes.

Dixerat: Aonides tantis parere parabant
Imperijs. Igitur pedibus talaria nectunt
Aurea, sublimes quæ mox, seu æquora supra,
Seu terram, rapidò pariter cum flamine portent.
Jamq; secant cursu ventos; pars littus Eoum,
Hesperium pars illa petit, pars vergit ad Austrum,
Pars lustrat Boream: quarum pulcherrima sese
Sola Borysthenias præceps demisit ad vndas,
Æternæ vindex laudis dextrima Clio.

Vt primūm tetigit niueis ea limina plantis,
Sarmatiam feruæ spectat sua iura nouantem:
Russia sed tumidâ frænum ceruice retundit,
Seruitij pertæsa sui. Veluti canis atrâ
Dum flagrat rabie, multoq; cruentus ab ictu,
Exanimis plagis, ad ferrea vincla catenæ
Cogitur, incautos morsu circumuenit artūs:
Hæc pariter malefida. Citò sed Diua propinquans,
Sarmatiæ dictis ita compellatur amicis:

Sarmatia
queribun-
da.

Salue magna Iouis proles, Heliconia salue
Gemma, decusq; poli: Sanè melioribus istis

Auspicijs,

Auspicijs, vtinam fas esset cernere vultûs
Virgo tuos: nunc te cogor venerarier ægris
Poplitibus; quanto pallent mea corpora tabo
Aspicias: hæc Rusli porrò monumenta Gradiui
Jam lustrum patior. Gens hæc assueta Pelasgæ
Perfidia, gens sacrilegæ periuria dextræ
Associans, gens quæ pariles hominumq; Deiq;
Fertur in exuias, tigri truculentior Afrâ,
Terrenæ impatiens Maiestatismq; supernæ;
Gens quæ Sarmatici spretâ ditione Monarchæ,
Colla Mahumetico mallet sacrare Tyranno,
Intulit; inq; meo grassata est viscere telis.
Per Styga, per Superos toties iurata perennis
Fædera seruitij conuellit; iamq; cruentum
Strata Berestecijs, rursus caput erigit, armis.
Aspicias vt prædura fames, de fronte colorem
Abstulerit, vacuosq; mihi compresserit artûs:
Siue Sagunthinam memorabis seu Perusinam
Victûs pauperiem, nobis regnavit inulta.
Aspicias vt nostras atrox Libitina per vrbes,
Ruraq;, funereis bacchatur onusta trophæis.
Ohè dulce mori; iam iam. saluèq; valuèq;
Nata Iouis. Subitò non passa Camæna querentem
Plura, sed in medio sic interfata dolore est:

Sarmatiz
contolatio.

Siccine prisca tuo procul exulat Heroïna
Pectore fortunæ domitrix constantia? vanos
Solue metûs. Eheu! quibus abstinet improba regnis
Tisiphone? Vacet annales audire malorum,
Quæ tot in externas sparsere pericula gentes.
Oëtonis quantum discrimen Iberia lustris
Pertulit? indomiti quæ non Mauortia Belgæ
Gesta, suo lachrymans Neptuni pinxit in aruis
Sanguine? bellaci gentiq; resoluit habenas.
Vltra septenum crinita Suecia lustrum,
Mouit in Ausonium crudelia prælia Regem;
Fortis & instructis flammâ ferroq; cateruis,
Edidit horrificas longè latèq; ruinas.

C

Quæ

Quæ cùm sepositis serò mitesceret armis,
Irequieta tibi Iani Bellona reclusit
Ostia. Iam verò similis te memoria fortis
Leniat, euellens atras de pectore curas.
Neu obstare tuis hæc cense prælia neruis;
Summa Musulmanico veniunt si tempora regno,
Si veniunt (faustis iam quippe monemur ab astris)
Vsis his belli firmato corpore, Lunas
Prima Mahumetici poteris calcare Tyranni.
Neu tu lethiferæ doceas contagia pestis,
Quæ facit vt scandat numerosa colonia cœlum,
Gratia quam CHRISTI sacro renouauit in Anno.
Ac noua cùm terris iecit fundamina virtus;
Blattamq; tineamq; domat virtutis, & hostem
Luxuriem pretiosa fames. Tu scilicet arce
Singultus, hilari captans solamina fronte.

Hæc vbi dicta leues confestim fertur in auras,
Excisas vrbes, inhumataq; corpora passim
Spectans, & cineres, oculos animumq; moratur,
Jamq; dies aliquot Phæbus dimorât Olimpo,
Aëra cùm Tyrio findebat murice, Nymphas
Saniades saluere iubens, tandemq; propinquans
Candida Vistuleis pernix vestigia rippis:
Illicet obriguit, gelidus tenerosq; per artus
Pallor ijt, metus & languentia pectora circum.
Aures fama quatit magni prænuntia luctus;
Istuleæ planctu Nymphæ, cœlumq; remugit;
Tolluntur passim tristes ad limina taxi,
Funeræq; faces; resonat singultibus æther:
Sæpe VITELLINI geminatur tristè IACOBI
Nomen, & Herois quondam venerabile corpus,
Exuias fecisse sibi nunc forcipe Parcam.
Senserat attonito singultus lumine Musa,
Ausâ fidem tantis lethi nec demere signis.
Mugijt insueto luctu gemituq; per auras,
Humectans vitreo circumflua lumina nimbo:
Carpit contextum crocco velamen acantho,

Soluit

Soluit cæsariem, nec parcit dextera bysso,
Vnguibus incestat cœu verna rosaria malas,
Nec patitur festam circum sua tempora laurum,
Sed caput intexit feralis fronde cupressi.

Audijs hunc Diuæ quæuis vicinia luctum;
Iamq; per vmbrosas grassatur nænia syluas,
Jam ferit aërijs teretes in montibus ornos,
Jam ferit assiduo crepitantes murmure lymphas.
Ergo conuolitant Fauni Satyriq; bicornes,
Naiades, Dryades, comptæ quoq; Orcades adsunt,
Denso florilegæ concurrunt agmine Nymphæ:
Plangentis gemitus vel quæ vicina coëgit
Numina, mærenti præstant solatia Musæ.
Prorsus luctificam Diuûm vis nulla serenat:
Circumfusa tamen releuantia dicta Deastris
Dantibus, hæc conquesta diu lachrymansq; gemensq;.

Hei mihi fatalis nimium locus! hei mihi vitam
Demoror inuisam! Cur te fortuna IACOB E
Inuidit fortuna mihi? Cur occidis? cheu!
Tune meum prædulce decus violenta necasti
Atropos? hæcne mihi de te fiducia quondam?
A te sublata est Leuco Cynosura trioni,
Regum deliciæ, Sanctiq; volupe Senatûs,
Ordinis exemplar, prælustre; sydus Equestris,
Inclyta Sarmatici memorandaq; gloria Regni.
Egregiam verò laudem capis atq; trophæum.
Quem spolijs vitæ, furreptæ præmia vitæ
Suscipit, astrigerâ perpes victurus in arce:
Est vbi pax, pietas, bonitas, virtus, & honestas,
Gloria, lætitiæ, dulcedo, vita perennis,
Gaudia, lux, requies, amor, & concordia dulcis,

Vt primum terræ solem patefecerat Eos
Octauum, sacri post Corporis Orgia CHRISTI;
Illicet Ecclesiam faustis pia pompa triumphis
Ingreditur, subito tellus ouat æmula tectis
Stelliferis, facies pagos aridet & vrbes

Cur in O-
ctauâ Cor-
poris CHRI-
STI è vitâ
discesserit.

Cœlica lætitiæ, toto pretiosius orbe,
 Æthere demissum gaudent iactare monile
 Terrigenæ, CHRISTVM specie panisq; meriq;
 Velatum; diâ splendent altaria Cænâ,
 Certatim Angelicis vescuntur & agmina mensis.
 Desijt ille moras vitæ plus nectere tardas:
 Nam te prospectans alienâ CHRISTE figurâ,
 Vt iam detracto velamine cerneret, aulam
 Stellantem petijt, Superûmq; cibaria mensæ.
 At cur flammifero radiabat crine Cometes,
 Ferreus obrueret postquam sua lumina somnus?
 Cælum nimirum festos accenderat ignes,
 Hic nouus Empyreæ dum hospes succederet aulæ.
 Annon Albertus tantam MIASKOVIVS illi
 Inuidit sortem? qui luce reliquit eâdem
 Terrestrem vitam. Cum namq; simillimus æuo,
 Non impar meritis, Patriæ studijsq; fuisset
 Magne IACOBÆ tibi, multis & amicus ab annis,
 Teq; cooptari in nitidum sensisset Olimpum,
 Ponè tuos gressûs fidus properauit Achates.
 Ecquid ei poteras immitis Pareâ nocere
 Falce tuâ? cepit qui post sua fata, carentes
 Fine malisq; dies; soli nocuisse videris
 Sauromatûm Regno, cui hoc tutamen ademptum.
 Scilicet vt Brasidæ post vltima fata, virilis
 Sparta cadit; stratum bello post Epaminondam,
 Protinus Ismenia plorant sua funera Thebæ.
 Ceû Alcibiadis cum sorte rotantur Athenæ;
 Ceûq; Ladislao mortis lapsante sub vmbras,
 Aurea pax Lechiæ moritur. Sed non secus Heros
 Hic meus; æternam vix clauso lumine noctem
 Cæperat, extemplo pauidas pennata per vrbes,
 Anxia fama ruit, cunctos terroribus implet,
 Tristè sagittiferos aciem fudisse Polonam
 Prædones Gethicos; bellis cecidisse probatum
 Te KALINOV, veteres perijisse strategos,
 Hic vbi Batouius despumat murmura Bochus;

Succame-
 rarius Le-
 opoliensis.

Mortem
 illius cla-
 des publi-
 ca conse-
 quitur.

Ingruere

Ingruere infensos hostes, & Marte sinistro
Omnia corripuisse, metum per compita ferri,
Ferri; Rusiacas ignem renouare fauillas,
Sanguine præteritus quem iam restinxerat annus.
Ac iunctis Ordo ni surgat Equester in armis,
Hostem venturum ferro flammâq; potentem.
Proh! viden' ista tui quæ sunt monumenta furoris
Atropos? Vt primùm tantam fregisse columnam
Nonte suppuduit, quâ se subnixa tenebat
Imperij celebris Lechici structura, Laresq;;
Illico pars peruasta ruit, laquearia raptat
In præceps fragor, intensas pluuiasq; niuesq;
Quæ prius arcebant, celsis penetralibus & quæ
Præsidio fuerant, cunctis clypedq; periclis.
Hunc ea collapsum comitata ruina colossum,
Arguit ingentem tectis vtilemq; fuisse.
Tu mihi sol miseræ testis, radiantia cœli
Sydera, tu Phæbeq; fidem stabilire potestis;
Et quibus auspicijs surrexerat, & quibus altum
Ista columna tholum Regni fulcire solebat
Viribus, & qualem præ se virtute colorem
Jactabat. Primâ telas ab origine vitæ

Ordiam. Is necdum generosæ flore iuuentæ
Vernabat, binæ quem conuenêre Dearum:
Prima quidem Psyche proles lasciuia Voluptas;
Qualis erat quondam Graijs occasio bellis
Tyndaris, aut exulta genas Cytherea cerussis.
Nam Phrygio graciles artûs velabat amictu,
Aurea crispatim ceruice natabat eburnâ
Cæsaries, blandis Venus illudebat ocellis,
Osq; genæq; rosas imitata, deniq; tota
Tota fuit fallax teneræ pellacia mentis.
Altera sed Stoico nusquam temeraria vultu,
Moribus insignis, præstans & nomine Virtus:
Qualis nonnunquam sub Pergama Penthesilea
Thermodontiacis deducens agmina rippis;
Non vllis faciem mentita coloribus, ornans

Adolescens
respuit vo-
luptatem.

D

Sed

Sed grauitate genas, spreto cultissima cultu,
Herculeos tantum spirabat mascula neruos,
Tardo succedens gressu. Prior ipsa Voluptas
Afflit, ac teneros hilari dans ore cachinnos:

O mea præfragrans, inquit, rosa, floscule pubis
Sarmaticæ! quæ te nostris dare nomina castris
Fata vetant, rigidosq; iubent sectarier ausus?
Jam te non pigeat nostro committere scepro:
Huc ades intonsis vbi ridet lilia pratis,
Huc vbi Flora rosas, violas, inspergit, odoresq;
Ambrosios, nullis mordentur pectora curis,
Bacchantur læti iuuenes, lenissimus altè
Spiritus aspirat. Sudores nonne tuorum
Hoc vouere tibi maiorum? siue gerebant
Multa sago permulta togâ, tamen hunc ea finem
Præfixere sibi celebrem, tu lætus eorum
Ut fruerere bonis; ut laudis plenus auitæ
Prædulcem terris ageres sine turbine vitam.
Continuat vocem: sed cum subit ostia Virtus,
Hæc tremefacta pedem retro cum voce repressit,
Attonitus iuuenis, sic fantis pendet ab ore:

Sectatur
Virtutem.

Non ego cum blandis venio carissime verbis:
Fellea sum dictis, at mellea quæq; faceffo.
Infandum suadendo tibi virus, insidiatrix
Impia Circæo mistum cratere propinat.
Aurea tenduntur tibi retia, te quibus illa
Mancipium faciens, ornatibus exuat amplis.
Flos finit annorum, verum sectare laborem,
Quem iuuet in lassâ placidè memorare senectâ.
Nunc agè laudatis exordia ponito factis,
Otia deuitans, quæ florens diligit ætas.
Fulgeat incoctum sacro tibi pectus honesto.
Percurras animo memor immortalia Patrum
Nomina, quæ nulli mors inuida subtrahet æuo.
Hæc tibi cum pandam, fidis dignare medullis.

Familiâ
Vitellinâ
conspicu-
us.

Diûm lustrato cum cepit lumen Olympi
Corde Micislaus, de Petri mittitur arce,

Arce

Arce VITELLINVS prædiues laude ROBERTVS;
 Hactenus errantes CHRISTI cumularet Ouli
 Fidus Pastor oues. At enim sibi Gnesna tiaram
 Præfuleam tradit, CHRISTI gaudetq; sub ipso
 Ferre iugum: pietas crescit melioribus altè
 Auspicijs; tandem migrantem ad sydera Martyr:
 Excipit Albertus: Fuit ergo stirpis origo
 Ille tuæ: Fratrem Romanâ gente relictâ
 Scilicet in Lechiam duxit, secumq; Polonos
 Exercere Lares voluit. Quos pluribus ambos
 Et si maiorum virtus decorabat auitis
 Laudibus, & stantes in curribus Æmilianos
 Percensere dedit. Latijs clarosq; triumphis
 Perlongâ serie fecit iactare Vitellos;
 Non duxere fatis; verum virtutibus ambo
 Ambo pro Lechico summis fulsere theatro.
 Ex his Sarmaticas Heroica fluxit in oras
 Progenies, ex quâ pulcherrima messis abundè
 Pullulat egregiæ laudis: quæ fortibus actis
 Sydera cælia petit, nec per tot sæcula firmæ
 Deliquium virtutis habet. quæ luxit honore
 Præfuleæ cidaris crebrò, Sellæq; Curulis.
 Quæve suo Patriæ semper de sanguine præbet
 Amphitryoniadas bello paci; Catones.
 O quàm tantorum dulce est meminisse virorum!
 O genus eximium, vecti super æthera Manes
 Ausibus egregijs! O terq; quaterq; beatum!
 Quem sua diuinis stirps exemplaribus auget,
 Quæ deceat semper magnis imitari actis.
 Sed te degeneres animos nutrire, tuisq;
 Dissimilem fieri, Dî talem auertite sensum!
 Diræ censurâ subito vexabere famæ
 Famæ, quæ pernix (dictu mirabile monstrum!)
 Terris ingreditur, caput inter nubila condit.
 Iratis producta Dijs; quot corpore plumas,
 Tot vigiles oculos, (lenti non conscia somni)
 Tot linguas, totidem ora fouet, tot subrigit aures,

Nec nisi degeneres hominum diffundit in ora.
 At nè fortè tuas onerem verbosior aures:
 Sunt tibi factorum sunt exemplaria, Cera
 Maiorum celebres; sunt quos effingere vitâ
 Congruat, & quorum trames te ducat in astra.
 Nec tibi defuero præstò fidissima ductrix,
 Ad nostri studium si te sententia vertat.
 Me duce flammigero tu non frustrabere cœlo,
 Me duce sub pedibus nubes ac sydera cernes;
 Æthera nominibus multas complebit & oras
 Gloria iussa tuis; te te Maurusia Calpe,
 Quisquis & vltior mundus, Ciuemq; Virumq;
 Audiet egregium. Sed postquam talia Virtus
 Dixerat, in liquidas rutilans euauit auras.

Hæsit ad ætheriæ iuuenis pia iussa Magistræ,
 Attonitus quid agat? satius iucundane primæ
 Ambiat, an Diuæ suffragia dura secundæ?
 Jamq; animum nunc huc celerem nunc diuidit illuc,
 In partesq; rapit varias, perq; omnia versat.
 Interea subitis carpuntur pectora flammis
 Ætherijs, animos rectiq; cupido fatigat.
 Imò seu terras humentibus obruit vmbri
 Phæbe, seu crocèâ collustrat lampade Titan,
 Ardet; corde tenus Virtutis imago recursat,
 Menti semper adest, altè suspinia motans.

Mature
 inhor
 Militiæ
 tyrocinia.

Postquam iam bellè doctis Tritonia secum
 Porticibus lusit; subitò petit arma Gradiui
 Feruescens Virtutis amor; properèq; capeffit
 Terribilem cristis galeam, mucrone sarissam,
 Loricamq; ferox humeris superinduit altis,
 Sanguine non pavidus Patriæ curare salutem.
 Ast vbi pax Regno ramum prætendit oliuæ,
 Turbida nec fines circumfrenderet Enyo,
 Tranquillâ puduit residem torpere sub Arcto.

Sub A.
 chmete i.
 Tauricum
 lustrat im-
 perium.

Arsacidum bellis Achmetes fortè cruentus
 Taurisij fatum, iuuenis, plangebatur adempti,
 Tygris & Euphratæ confinia pressa rapinis,

Marteq;

Marteq; militiæ florem cecidisse sinistro:
Mæret Mechmetis sortem genitoris iniquam,
Cuius Pannoniæ vires creuere trophæis:
Ex animo necdum concessit auusq; Murathes,
Christiadum toties infesto faucibus ense.
Ergo sitim pacem, pacem dant sceptrâ Viennæ.
Panditur interea compositâ pace Palæstra,
Visere Threicio famulantia regna Tyranno;
Explorare simul quàm vastâ potentia Turcæ,
Quidve suas potuit sub leges mittere lectam.
Europæ partem; libertas prisca gementi
Quâ tandem valeat retro ratione redire;
Hostis quâ demum tantus queat arte domari
Finibus insultans patrijs: ea discere pulchrum
Tum fuit, vt patrios aptè referantur in vsus.
Hæc illis statuit meus Heros quærere terris,
Non per lasciuas comptam Bryseida gentes.

Illi Pannonius subito percurritur Orbis,
Pingues exuuiæ Solimani moenia Budæ;
Angulus hic, totum qui olim retonabat in Orbem,
Europam rigidis Asiâq; domabat in armis.
Hinc ferus Oenotrium pessundedit Attila Regnum,
Indè triumphatâ leges Odoacer in Vrbe,
Pandebat Latio, spolijs Mundiq; receptis,
Victâ victrici regnauit victor in arce.
Visitur Illyrium cum Bosnâ præda Pesaitæ,
Fructibus Ægypto necnon Bulgaria compar:
Lustratur gladijs Epyrus capta Murathis,
Suspicitur celsis splendescens turribus, olim
Romanæ nutrix Aquilæ, nunc barbara Lunæ
Bistonæ custos, cui maxima vota superant
Temnere iura Dei, sanctas disperdere gentes.
Imò Threicius quâ tandemcunq; Tyrannus
Legibus Europam stringit, sufferreq; cogit
Insonti ceruice iugum, peragrauit abundè.

Vt primum verò Lechicas remeauit in oras,
Multa viri virtus animo radiabat ab alto,

E

Mirus

Mirus erat rebus grauidæ, solidèq; peritæ
Mentis honor. Sed si qua meis vicina querelis
O soror! hæc audis; ne absistam, fracta dolore,
Dicendis meritis; mecum partire laborem.

Redux in
Patriam,
eratem in
rebus bel-
licis con-
sumit.

Qualis Theſſalicus per aperta pericula Iason
Nititur, haud pauitans infana per æquora ferri;
Despiciens Hyadas tristes, Hædumq; cadentem;
Spernens ignuomis reboantia claustra iuuenis,
Vt lucretur ouans rutilantia vellera Phryxi.
Talis in Arctoïs quondam Z E L E N I V S oris
Armipotens, caræ non fuetus parcere vitæ;
Siue quibus Marti mos est sæuire periclis,
Pro Patriâ gaudens absorbet, amatq; seuerum
Martis onus; veniant vt dulcia præmia, sumina
Laudis honos. Equitem solâ de stirpe vocari
Temnit, sed ferro sed quadrupedante mereri
De Patriâ: veros Equites reputatq; fuisse,
Non qui vix hostes intra magalia pictos
Aspexere, quibus vel pigrum lancea fusum,
Castra vel effrontes circum ioculando puellæ,
Vel duro molles pro Marte fuere Penates.
At qui non trepidum caput hostibus obiectando,
Ex arctis Lechiam spatijs, ad Balthica tandem
Littora, Finnicosq; sinus traxere, sub vsq;
Euxinum pelagus, flauentis & ostia Tyræ.
Quare verus Eques dici fieriq; peroptans;
Æmulus antiquis Patriæ cultoribus, annos
Militiæ sacrat. Vos ô fortissima Martis
Germina! vos testor, quos iam veneratur Olympi
Regia, Z O Ł K I E V I, necnon bellax L V B O M I R S C I,
Ambo Agamemnones; hunc vos coluistis Achillem;
Hic vobis toties ductâ legione, phalanges
Fuderat hostiles; hic visus causa fuisse
Moschiticis, ac Threicijs permagna triumphis.

Nec minùs ergo suam tutatus acinace Spartam,
Quàm fortunati subnixus sorte Caducei
Hic, apud externos Aquilæ persæpe Polonæ

Victrices

Victrices lauros, pacisq; parauit oliuas.

Venerat in Lechicas latitans DE METRIVS oras,
Frigida cui patrios debebat Moschua fasces.

Hunc superesse refert cum fama, Borissum

In Phlegetonta rapit: fatum finit, ille trionem

Auspicio SIS MVNDE tuo fortitur auitum;

Connubio iungit natam de sanguine MNISZEK.

Ast ubi cupressos festi myrtis Hymenæi

Suiscius alternat, cum cæsi corpora Sponsi,

Prodit Barbaricis demens fortuna cachinnis;

Sarmaticæ furtim cæcâ de nocte phalanges

Astu mactantur, mulctantur carcere mæsto,

Tutaturq; manus sese vix pauca superstes:

Ac improuisi gremio velut abdita cassis

Alituum pennata cohors, spe decidit omni,

Expectans certum procul omni vindice lethum.

Mittitur è tanto solers ZELENIVS æstu

SIS MVNDI qui poscat opem; neu Patria natos

Posthabeat linquens miserè. Ciet ille Graduum,

Inflammat studio Regalia pectora belli:

Edocet afflictos vinclis & cæde Polonos

Dura pati, sperniq; palam violabile nusquam

Munus OLESNICII; Lechiæ nunc pignora, Volgæ

Barbariem sentire feram; nunc tempus amicum

Gentis Hyperboreæ contundere cornua, iustis

Ensisibus à sæclo raptum reuocare Smolenscum.

O quantas isthæc peperere Caducea lauros!

Quàm fuerat nostris hic prosper Horoscopus armis!

Æternum capti resonabunt vincula Suiscii,

Mænia fumantis nunquam tacitura Smolensci,

Dicet in Istuleos qui ductus Volga triumphos.

Vernat perpetuum viridis mansura per æuum,

Orta sub augusto Zelenia palma Chotimo:

Sæcla per altisonis cantabit gloria labris;

Totis OSMANVS quàm nixus viribus olim,

Vltima Sarmatico celerabat funera Regno;

Tot mirmillonum fortissima millia ducens,

Ad SIER-
SMVNDVM
III. è Mo-
schouia
Legatus.

Ad OSMANVM II.
Legatus ad
Choti-
mum.

Millia quot magnis nunquam venere Mycenis
Ad Prygium Simoenta, fugax quot millia Xerxes
Quondam vix rapido diffuderat Hellesponto.
Dirus Erythræi Tyram bibit accola Nili,
Jam bibit auroræ fuscatus miles ab oris:
Bactra suos arcus, contos Ægyptus & Indi,
Pictus Arabs, vincti vibrabant arma Sabæi:
Africa quot necnon Asiaticus Orbis habebat,
Barbarus Europæ quot & angulus agmina bellis
Dura, pharetratos quot centes Taure Gelonos,
Vnus erant iunctis stridens exercitus armis.
Obstupuit Tyras, insueto pondere tellus
Pressa dedit gemitus. At quadrupedantibus auxit
Africa militiam, fauces tormenta sonoras
Addiderant centum: quævis exercita bello
Pectora concurrere, quibus partita Poloni
Iam ditio Regni; subter tentoria, Baccho,
Iamq; LADISLAI, sacrum spondebat, & Vrbes
Sauromatum vanâ spe deglutiuerat hostis,
Mauorti fidens, quem sena parauerat ætas.
Vndiq; Christiadium setlenim titubantia frigus
Ossa tenet, mentes pallefcens arripit Orbis.
Attamen haud Aquilæ cedit fiducia nostræ:
Viribus accissis occurrit, pauca virorum
Millia densantur, sociorum nulla feruntur
Arma, nec argenti, victus, nec deniq; longi
Copia consilij. Secus haud certare Giganti
Atq; Philistæo Iesseius ardet ephebus;
Vltro difficilem sed conscendentis arenam
Viribus indubitant paruis, hostesq; suiq;
Tenditur ad Tyram forti decernere ferro:
Mox Nuradinæo sparguntur compita tabo,
Mox Kantimirus fidente domatur in ausu;
Ipse sub aduentum certamina prima Tyranni
Committens, nec non ducens acerrima bellis
Robora Primatum, violentâ strage peremptis,
Concidit Heroum phoenix Othomanicus Vlsâim.

Vis numerosa dein, tentatis impete castris,
 Corporibus sternens aciem lugubrè, receptu
 Semianimes potuit vix conseruare cohortes.
 Imò lixarum nostris puerumq; cateruis
 Rursus adorta, tulit vicinis tergora syluis.
 Ferreus haudquaquam nostris offecerat imber,
 Haud per bisseñas tormenta boatibus horas:
 Castra sed illorum licuit popularier, atq;
 Tutò Barbaricas illinc abducere prædas.
 Insuper inuictis florens Karakassius armis,
 Perdidit ense caput, truncosq; reliquit arenâ.
 Non vlulas temerè, rorans Osmane fluentis
 Turgentes malas. O dire pudorq; dolorq;!
 Heu quàm tristè cadis tumidè qui culmina prensas!
 Heu serò trepidas fracturum guttura lethum!
 Naupactæa fuit non tam malefausta Selymo,
 Quàm tibi sanguifluum quæ turpat pugna Chotimum.
 Ille nec Ægeo rot merfa cadauera ponto
 Liquerat aufugiens, quot tu substrata Chotimo.
 Illi permultæ stragem fecêre phalanges,
 Te pauxilla manus pessundedit armipotentem.
 Æternum vestras iactabit gloria palmas
 Sauromatæ fortes; toto crebrescere mundo
 Nomina præstabit; clarissima prælia Tyræ
 Extremos ultra vulgabit fama Iapones.
 Te quoq; Magne simul cantabit fama IACOB E,
 Qui fueras tanti pars non postrema triumphî.

OSMANVS bello fractus, duroq; ruinæ
 Extremum sub Marte timens, victricia fassus
 Pectora Sauromatùm, spectans nisi pace sequestrâ
 Posse pedem saluum reuocari; protinus almæ
 Pacis amore calet, pacem Veuellius orat
 Victores, mitti Legatum iamq; precatur,
 De rerum summâ quicum conferre Senatus
 Turcigenum posset. Legitur ZELENIUS Heros
 Non impar oneri, sed cuius brachia nomen
 Mactè sustineant Lechicum, cuiusq; Mineruâ

F

Cladis
 Turcarum
 Chotimen-
 sis cum
 Naupactæâ
 collatio.

Mactè

Mactè radices firmet nuperrima laurus.
 Corporis vt formâ mentisq; hostilibus ingens
 Affulget castris, rigidis en vultibus hospes
 Excipitur Procerum; verbis fastuq; laborant
 Intentare metum, trepido sermone genisq;
 Proderet exhaustas vires, vllumve suorum
 Deliquium? bellone Duces desistere fessi,
 Aut statuunt remeare? timor dominatur an vllus
 Consilijs? Ceû ferripotens adamante resultat
 Malleus indomito, satiusq; patescit hiulcum
 In ferro vulnus: pariter tentata retundit,
 Imò transadigit vafros constantia Turcas.
 Magnanimum spernens aduersa tonitrua pectus,
 Nulla supercilio prodit, sermoneq; nulla
 Signa metûs: verum quæ tanti fronte Catonis
 Elucet grauitas, verbis audacia regnat,
 Hostica fulmineo percellit pectora ritu,
 In se Sauromatûm robur præbetq; legendum.
 Non vulgat compressa fame pallentia castra,
 Non vnum nitri dolium superesse faterur,
 Non bisquaternos apud hostem degere soles,
 Non diras coram cædes spectare suorum,
 Non tum committi Karakassij prælia nostris
 Territat inuictam mentem, suadetve timorem.
 Perculit Osmanum constantia tanta pauore;
 Hactenus vt fuerat qui spe nutritus, inanem
 Iam iam despondens animum, castrisq; relegans
 Iam te ZELENSCI, fædus pacemq; precetur.

Georgij
 OSSOLI-
 NII ad
 VRBANVM
 VIII. Ora-
 toris aulæ
 Præfectus,
 ex arbitrio
 LADISLAI
 IV.

Sed postquam geminis est gloria parta Caducæis;
 Hunc Vaticanus complectitur, alta Quirini
 Mænia mirantur, Summus dignatur amore
 VRBANVS Diuûm leges hominumq; gubernans.
 Ausonijs Lechicos cû vis æquare triumphos,
 In veteremq; nouam satagis conuertere Romam
 Dux OSSOLINI; cû quas Heroica lauros
 Obtinet, Odrysios domitans Moschosq; Monarchas,
 Dextra LADISLAI, Tarpeiâ sistis in arce;

Ducendo

Ducendo Præses tanto fuit iste triumpho
Iste fuit; similem cui Vrbs Mauortia pompam
Vix vidit, sæclo nec iam visura sequente.

Necdum tantorum requies & meta laborum
Aduenit impigro. Patrij vix namq; Penates
Conspectu gaudent reducis; mox cura salutis
Imperij natalis agit, magis & magis vrget,
Immanes addit stimulos; se nonq; Ladislâi
Eximit Obsequijs; quâ sed Mahumetica splendens
Regia, Bosphoreis latè colliditur vndis,
Carpit iter; visit gemmatâ sede MVRATHEM
Iactantem sese, toti mirabilis aulæ,
Alcidem referens, Ithacumq; grauemq; Catona;
Augustâ posthac affatur voce Tyrannum:

Terrarum fecit seû te fortuna Monarcham,
Seû dedit imperio moderarier Amphitriten:
Aspice quàm noster minitetur rite Bootes.
Ense LADISLAI tibi, primæ à flore iuuentæ
Mosehiticam Volucrem, & vestras posternere Lunas
Qui didicit. Patitur nullum sua Regna tributum.
In gazas conferre tuas: liberrima gens est,
Nullum passa iugum; cunctis nam sedibus Orbis
Libertas exacta, solo penetralia nostro
Condidit. Hæc igitur gentes frænare superbas
Duntaxat suevit generosiùs, indecoremq;
Mercari nescit pacem, quæ semper in hostem
Intrepido Mauorte ruit; non mænia Chinæ,
Thermopylas, Alpes, pelagus, celsamve Pyrenen
Hostibus opponit, sunt propugnacula pectus.
Victrix vult monitum te nostri dextera Regis;
Desertis quoniam permulta colonia campis
Gliscit, & insuetis cultoribus auia passim
Crebrescunt, flammis nè depopuleris iniquis.
Ampliùs infandos Tyram potare Gelonos
Neû patiare, domos redeant statione relictâ.
Nostris & Dacis, medijs pro limite Tyras
Esto. Deuastare doles Euxina Cosachos

LADISLAI
IV. ad Mu-
rathem Le-
gatus.

A quo hæc
Pacta fæde-
ra, cum
Regis &
Regni ap-
plausu ex-
orsit.

Æquora: continuò nostris stringentur habenis.
Jam si præstantes deferre Caducea poscis
Ad tua tecta viros, modo tu præstantibus illa
Ad nos demandes, non inficiamur: egestas
Magnorum Lechiam non vrget quippe virorum.
Mutua sed pacis nobis hæc pignora sunt,
Nulla dies eadem iam nobis fœdera rumpat.

Percitus hacce viri fantis, grauitate MVRATHES,
Os, humeros, animumq; stupens, non discolor æquum
Præbuit assensum, tumida nec mente Tyrannus
Obniti potuit, penitus parere coactus.
Hæc vbi Sarmatico dextræ sancita trioni
Produxit, domitiq; suo sermone Murathis
Signa tulit Patræ, nimium quæis publicus altè
Conturrexit honos; meritæ non laudis egenus
Exstitit, at semper Regi Regnoq; probatus.

Nec tamen occidua cuni reddit bruma senectæ
Cygneum caput, & gelidus tardantibus annis
Sanguis habet, frigentq; effætæ in corpore vires,
Artus pro Patriâ violare laboribus horret.

Prorsus vt ob diros Lechiam nutare Cosachos
Cernit, & horribiles Regnum confringere clades;
Korsuni ferale videt, fatale Pilaucij
Exitium nostris; CASIMIRE Caducea postquam
Illi committis, Pereaslauiensibus hostem
Tecum MIA SKOVI stringit, tecumq; KISELI
Inducijs: fuerat quæis non præsentius vllum
Auxilium, nec tot morbis medicamen abortis.
Nôrat quàm nullis domitus Pompèius armis
Armis, at multâ redimitus tempora lauro,
Concidit, vt modicam subiit cum Marte quietem.
Nôrat Iberiacos gnarus contundere fasces
Quàm cecidit Batauus, simulac sub imagine pacis
Stillantes posuit longæuo sanguine contos.
Ergo Borysthenium pariter compescere Martem
Non dubitat prudens: confestim pace trimestri
Hostiles mulcet cuneos; quâ Spartacus ipse

Segnitiam

Ad rebel-
lium Cosä-
chorum
Ductorem
Legatus
Pereasla-
uiam, vul-
gò Com-
missarius.

Segnitiam glomerans animo, consueta furoris
Toxica postponens; inter tot robora belli
Excors desipuit, sub paciferoq; Zborouo
Procubuit tellure super, squalentibus ora
Humectans lachrymis; imò victricibus vti
Armis nesciuit, totus præmollis inersq;
Hæc vbi sinceræ nobis fundamina palmæ,
Helluo Sarmatici iecit torpore cruoris;
Turpe Berestecia nomen sortitus arenâ,
Quæ rubuit fufis longè latèq; Cosachis,
Fecit & informes Mæotica corpora truncos:
At quos Sauromatùm lassus non abstulit ensis,
Puluerulenta dabant tremefacti terga per agros.

Amplius haud possum tristissima pandere Clio,
Quàm prælustre tuo miseranda Polonia cœlo
Occidit hocce iubar; cuius zyzygia felix
Auspiciùmq;, tibi rabidos substrauerat hostes;
Atq; peregrinis clarè tua nomina terris,
Augustum decus, & celsum iactabat honorem.
Occidit heu prælustre iubar, præluxit opimis
Quod tibi subsidij! Istinc Eubulia miros
Spargebat radios, Patriæ studiosa salutis.
Promebat veluti prudens oracula Confus,
Quæ florem imperij libertatemq; fouerent.
Turbida pro rostris si quando exorta Quiritum
Seditio; varias & mens contraria voces
Scinderet, Herculeo mulcebat pectora ritu;
Multifidosq; regens animos, pietate refertâ,
Consilio dulci circumdabat omnia Suadâ:
Quemve foris Lechiæ semper monstrabat honorem,
Consilij plantare domi grauitate studebat.
Tu qui Ranzouius noster Morusq; fuisti,
Tu qui doctiloquum referebas ore Periclem,
O Ossolini: satis ipse peritus, ab illo
Consilij capiens effata, rogansq; cerebro
Illius excocto quæ nam sententia staret?
Quæ meditarum fluitabat copia rerum,

Literarum
amantissi-
mus.

In Iudicijs
Regni æ-
quissimus.

Summis in
Repub: Vi-
ris famili-
arissimus.

In Patriæ magnum redigebas crebrius vsum.
Nam qui non poterat penetrare sacra Consi,
Iudicijq; grauis dynamin comprehendere vastis
Pectoribus? varios cui perlustrasse triones,
Eminus externos toties visisse Monarchas,
Tantis egregie decorasseq; nomina factis,
Non satis est visum; sed Pallados ardua semper
Otia non piguit celebrare, volumina perq;
Noctes atq; dies oculos animumq; morari,
Ac sociare sup constanter Apollina Marti.
Occidit heu! lachrymis sed rorat Curia Regni,
Bocchvrim illa suum, Poltim, iustumq; Canutum
Oppetisse dolet: quem nuper namq; videbat
Areopagiticâ grauitè splendere fellâ,
Cælituum liuore videt super astra locatum.
In quo cum lites frænaret iure, micabat
Ingenium Baldi, vernabat candor Iphonis
Iustitiæ scopulos fugiens; cui dira Celæno,
Æquo, doniuoros haudquaquam iunxerat vngues:
Ast vt Phæacas, Acheloia carmina, Circen,
Monstra fori, solers est præteruectus Vlisses.
Omnia cum tanto plorant viduata IACOBO,
Illius ac exfors, Lechiæ, plangoribus omnis
Angulus obruitur: (prò nostri causa doloris!)
Attamen æthereis plaudunt in sedibus illi
ZOŁKIEVI, CHOTKIEVICIJ, ZBARAVIADÆq;
Et KONIECPOLIj, LVBOMIRSCI, & KORIBVTHI:
Et quoscunq; potens gremio dignatur Olympus
Scipiadas nostros, auratis sedibus omnes
Excipiunt illum, cuncti gratantur ouantes
Jò Pæan cuncti, secum subsellia nacto;
Certantesq; sodalitio coniungere, læti
Ingeminant nitido dulces de pectore voces.
Expectatus ades, tu namq; per æquora vitæ
Nobiscum vectus, nobiscum fædus amoris
Pangebās, animis fidus commercia nostris
Jungebas, vnà terris arasq; focosq;

Ense

Ense tuebamur, bello concurrimus hosti
Belligero, (meminisse iuuat iam quippe laborum)
Inq; togâ rectis Patriam stabiliuimus vnâ
Consilijs, vnâ per tot discrimina rerum
Venimus in cœlos, carum littusq; tenemus.
Cum DEVS optatam fuit comprehendere finem,
Æternis potiare bonis, rebusq; secundis
Gaude, iam renoua consortia terrea nobis,
Ac simul Empyreâ compôstus pace quiesce.

Præstò SIGISMVNDVS felix, rutilansq; LADISLAVS, Regibus
gratiosissi-
mus.
Expleri mentem nequeunt; illumq; tuendo
Exarsit, palmas alacres & vterq; tetendit.
Ædes gratantur superas, ac tecta Tonantis
Nunc introgresso; memorant secum quibus ipse
Iuuerit officijs Patriam; dignumq; fatentur,
Qui secum decus Empyreum virtute parabat,
Eminus ora simul iam cerneret Omnipotentis.

Illicet amsanctâ SISMVNDVS fronte coruscans,
Pulchra LADISLAI & præcox genitoris imago
Occurrens properè, amplexâ ceruice pependit.
Ecquis, ait, nobis poterat duxisse futurum,
Vt cœlo gressus ego te prior antetulissem,
Te fierem croceiq; vetustior incola cœli?
O spes incertas mortalibus! ipsa Tonantis
Constans non aliò sese sententia vertit.
Fortè gubernâclo genitor cum linquere nostro
Olim Sarmatiam cuperet, nobisq; studeret
Tam nitidis dignam folijs intexere mentem:
Te velut archetypum studijt proponere nobis;
Qui nostro iunctus lateri, Regalia doctis
Jugiter infereres monitis præcordia; namq;
Non reperisse virum poterat sub Climate vestro,
Cui tua temporibus niueis prudentia vernans
Inferior fieret. Sed vix stipulatus amorem
Nostro præsentem lateri, accitusq; parabas
Intra Regales Patris consistere postes;
Sedibus extemplo me fors inopina recepit

Præfectus
aulæ SIGI-
SMVNDI
Poloniæ
Principis
destinatus.

Astrigeris; Lechiæ potius pro fascibus, istas
Iussit habere domos lætæ regnator Olympi.
Nec te pæniteat, si tali sorte fesselli
A te migrando sursum: super æthera mecum
Jam iam perpetuo duces consortia sæclo.
Dum dabit Oceanus lymphas, dum nutriet Arcton
Orbis, Cunetipotens dum nunquam finiet æuum,
Perpes tu mecum diâ vesseberis aurâ.

Cœlicolum reliquæ simulac videre phalanges,
Terrigenam Ciuemq; nouum succedere cœlo;
Densæ caterua ruunt, miscent modulamine plausum,
Deducunt auræis penetralibus, atq; recessus
Ostentant aulæ varios; (mirabile dictu!)

Et iam percensent numero quàm multa voluptas.
Cærula nec gemmat baccis tot Pallados arbor,
Nec tot apes Floræ sacrâ pascuntur in Hyblâ,
Nec tot habet conchas, nec fuluas littus arenas,
Gargara nec spicas, nec tot Methymna racemos,
Gaudia quot vernant quot sunt solamina cœlo.
Dulcè recordantur cupidis quàm passibus astra,
Atria tam præclara quibus gradibusq; petebat.
Multa super Diuûm reputant cultuq; Tonantis:

Ut varia-
rum virtu-
tum, ita
Scripturæ
S. studio-
sissimus.

Nunc quàm Seraphicis fuerit virtutibus ingens,

Nunc quâ Scripturæ captus dulcedine sacræ,

Quam prædulce fuit noctu lustrare diuq; ;

Inter & amplexus illius claudere vitam.

Si Boromæ tuus fuit hæc, fuit illius hortus,

Quo delibabat cœlestis germina Floræ.

Tantalus, Hesperides, quoniam Cyrus, nec Adonis,

Isti consimiles habuerunt floribus hortos.

Hæc si Kempisio lautissima mensa putatur,

Hæc sua mensa fuit tuceto plena suauis,

Quo fuerat solitus neruos releuare Viator.

In egenos
munificen-
tissimus.

Ingeminant alij fuerat quàm cernere semper,

Denso mendicis currentia munera nimbo;

Cernere semper erat populis vndare Penates,

Affiduos intrare inopes remeare beatos.

Nec

Nec tacet Assisias, celebrat Romualdus amorem
Flagrantem, inq; suos Loiola, Teressia fratres;
Dextra salutiferis fuerat quàm prodiga Mystis.
Factorum reliquam cohonestant laude cohortem:
Quorum gemmato superillita singula libro
Archium caeleste fouet; quæ scribere prorsus
Mæonios partûs, Andinæosq; labores
Exsuperet; nobis nec suppetit illa facultas
Dicere, nam semper dictis maiora supersunt.

Scilicet exultant Superi, quibus aduena tantus
Miscetur: miseri nos, non absistimus vnquam
Plangere terricolæ, tantum quæis lumen ademptum.
Crudescunt gemitûs Lechiæ sub pectore, longus
Sufficietq; dolor lachrymas, lachrymæq; dolorem,
Ob desiderium prærepti pignoris ingens.

Tantas mærenti Clio dabat ore querelas,
Victa dolore cadens: at circumstantia tristem
Numina solando, planctûs gemitûsq; dedere,
Ac animi largo monstrarunt vulnera luctu.

Ad Maiorem DEI O. M. Gloriam;
Augustissimæ Cœlorum Imperatricis,
Diuorumq; Omnium Honorem.





2.XIX.42

Biblioteka Jagiellońska



stdr0012651

